

## ՀՀ Նախագահին Ընդունած Է ԸՄ Ընդհանուր Քարտուղար Լուիս Այալան

ՀՀ նախագահ Սերժ Սարգսեան Յունիսի 9-ին ընդունած է Լնկերվար միջազգայնականի (ԸՄ) ընդհանուր քարտուղար Լուիս Այալան, որ Հայաստան կը գտնուէր ՀՅԴ-ի հիւրընկալած Լնկերվար միջազգայնականի ԱՊՀ, Կովկասի եւ Սեւ ծովու յանձնախումբի ժողովին մասնակցելու համար:

Նախագահը ողջունած է հիւրի այցը Հայաստան եւ յոյս յայտնած, որ երեսնեան ժողովը յաջող ընթացած է: Ան բարձր գնահատած է ամբողջ աշխարհի ընկերվարական եւ ընկերվար-ժողովրդավարական գաղափարներ դասանող քաղաքական ուժերը միաւորող ԸՄ-ի գործունէութիւնը, որուն հռչակած քաղաքական արժէքներն են՝ ազատութիւնը, արդարութիւնը եւ համարաշխուրթիւնը: Նախագահն ընդգծած է, որ այդ արժէքները հայոց համար մշտապէս կարեւոր եղած են:



Լնկերվար միջազգայնականի ընդհանուր քարտուղարը գոհունակութեամբ խօսած է ժողովի քննարկումներուն մասին: Ամփոփ ներկայացնելով ընկերվար-ժողովրդավարական, ընկերվարական եւ աշխատատեղական կուսակցութիւններու համաշխարհային ԸՄ կառույցի գործունէութիւնը, որ բոլոր ցամաքամասերէն 152 անդամ

կուսակցութիւններ եւ բազմաթիւ կազմակերպութիւններ կը համախմբէ, Այալան ընդգծած է, որ Հայաստանի հետ համագործակցութիւնը ԸՄ անդամ ՀՅԴ-ի միջոցով տարիէ տարի կ'ամրապնդուի:

Ան նշած է, որ կառույցը համերաշխութիւն յայտնած է՝ ՀՀ սահմանադրական բարեփոխումներու ՀՅԴ-ի դիրքորոշման, ընդգծելով երկրէն ներս բարեփոխումները խորացնելու եւ ժողովրդավարութիւնն ամրապնդելու օրակարգը խթանելու կարեւորութիւնը:

Զրուցակիցները քննած են չրջանային խաղաղութեան և կայունութեան սպառնացող մարտահրաւէրները, անդրադարձած՝ ԵԱՀԿ Մինսկի խումբի ծիրէն ներս Լեռնային Ղարաբաղի հիմնախնդիրը խաղաղօրէն կարգաւորելու բանակցութիւններուն, գոյութիւն ունեցող հարցերուն, Հայաստան-Թուրքիա յարաբերութիւններուն, Հայոց ցեղասպանութեան միջազգային ճանաչման եւ դատապարտման ընթացքին:

Հանրապետութեան նախագահը շնորհակալութիւն յայտնած է Հայաստանի համար կարեւորութիւն ունեցող հարցերուն հանդէպ՝ միջազգային տարբեր հարթակներու եւ կառույցի անդամ կուսակցութիւններու երկիրներուն մէջ Լնկերվար միջազգայնականի շինիչ դիրքորոշման համար:

Ընդունելութեան ներկայ գտնուած է ՀՅԴ Բիւրոյի քաղաքական ներկայացուցիչ Արմէն Ռուստամեան:

## Այալա. «Մտադիր ենք Շարունակել Լեռնային Ղարաբաղի Խնդիրին Ծուրջ Երկխօսութիւնը Այս Հարթակին Վրայ»

Լնկերվար միջազգայնականի՝ ԱՊՀ-ի, Կովկասի եւ Սեւ ծովու յանձնախումբի երեսնեան երկօրեայ ժողովի աւարտին Յունիսի 9-ին բանաձեւ ընդունուած է:

Կառույցի ընդհանուր քարտուղար Լուիս Այալան եւ ՀՅԴ Բիւրոյի քաղաքական ներկայացուցիչ Արմէն Ռուստամեան միացեալ ատույխին ընթացքին ներկայացուցած են ժողովին արդիւնքները: «Շրջանի տաքնապնդում խաղող լուծում, ժողովրդավարութեան ապահովում եւ ամրապնդում, ԱՊՀ-ի, կովկասեան և սեւծովեան երկիրներուն մէջ ընկերվար-ժողովրդավարական առաջնահերթութիւններ, այս հարցերը Լնկերվար միջազգայնականի օրակարգին մէջն են, եւ երեսնեան ժողովին ալ շատ կարեւոր հաստատումներ եղան», ըսած է Լուիս Այալա:

Ան շատ կարեւոր նկատած է, որ ի դէմս ՀՅԴ-ի՝ իր ղեկավարած կառույցը այս չրջանին մէջ գործընկեր կուսակցութիւն ունի: «Լնկերվար միջազգայնականի անդամ քաղաքական ուժերը իրենց երկիրներուն մէջ կը փորձեն ամրապնդել ժողովրդավարութիւնը, եւ կարելի է նոյնիսկ ըսել, որ բազմաթիւ երկիրներու մէջ անոնք գործող իշխանութիւններուն ալլընտրանքն են: Միև կողմէ, շատ կարեւոր է, որ երեսնան էին նաեւ Ատրպէյճանի ընկերվարական կուսակցութեան ներկայացուցիչները: Մենք մտադիր ենք շարունակել Լեռնային Ղարաբաղի խնդիրին շուրջ երկխօսութիւնը այս հարկակլին վրայ: Իսկ տագնապներու, ոչ միայն՝ Լեռնային Ղարաբաղի, լուծման համար շատ կարեւոր է նաեւ ժողովրդավարութեան ամրապնդումը այդ երկիրներուն մէջ», ըսած է Այալա:

Արմէն Ռուստամեան իր կարգին նշած է, որ ԱՊՀ-ի, Կովկասի եւ Սեւ ծովու յանձնախումբը չրջանի հակամարտող երկիրներուն կարելիութիւն կու տայ հանդիպելու նոյն հարթակին վրայ եւ քննարկ խնդիրները:

«Ես կ'ուզեմ ընդգծել յանձնախումբին դերը: Շատ իւրաքանչեւ ձեւաչափ է ասիկա: Մենք բաց ձեւաչափով կ'արծարծենք տագնապը: Մասնատրապէս՝ Հարաւային Կովկասի բոլոր երկիրներու ընկերվարական կուսակցութիւններ

րուն ներկայացուցիչները այս դաշտին մէջ կը հանդիպին եւ կը քննեն բոլոր հետաքրքրող խնդիրները: Այս յանձնախումբը բաւական կենսունակ է և կրնայ իր ուրոյն դերակատարութիւնն ունենայ»:

Անդրադառնալով ատրպէյճանցի ներկայացուցիչին դիրքորոշման Արմէն Ռուստամեան ըսած է. «Մենք իսկապէս հոս կը փորձենք հասնիլ համախոսութեան: Մեր հիմնական նպատակը փոխադարձ ըմբռնումի հասնիլն է: Պէտք է ամէն ինչ ընել, որպէսզի ժողովրդավարութեան ներքուման միջոցով հասնիլք փոխհամաձայնութեան: Ատրպէյճանի մեր պաշտօնակիցներն ալ ընդունած են այս սկզբունքները: Մենք բացառած ենք պատերազմի միջոցով հարցերու լուծումը»:

## Օպամա Բննադատած Է Թուրքիան՝ ԻՊ-ի Զինեալներուն Սուրիա Մուտքը Չկանխարգիլելուն համար

Թրքական «Հիւրիդէթ» օրաթերթի կաշքը հաղորդած է, որ ԱՄՆ նախագահ Պարաք Օպամա Եօթներու վեհաժողովին քննադատած է Թուրքիան՝ յայտարարելով, որ Թուրքիայէն հազարաւոր զինեալներ կ'անցնին Սուրիա եւ կը միանան իսլամական պետութեան (ԻՊ, ՏԱՀԷԾ):

Թուրքիոյ մէջ նախընտրական արշափ ամբողջ ընթացքին այդ երկրին մասին որեւէ յայտարարութիւն չկատարած Օպաման այս քննադատութիւնը կատարած է Կիրակի օրուան ընտրութիւններէն անմիջապէս ետք:

Սուրիա եւ Իրաք օտարազգի կուտղներու մուտքը արգիլելու մէջ յառաջընթացի մասին խօսող Օպամա նշած է, որ տակաւին հազարաւոր կուտղներ կը մտնեն Սուրիա եւ ետքը կ'անցնին Իրաք: «Զանոնք բոլորը կանխարգիլել կարելի չէ, սակայն անոնցմէ շատերը աւելի լաւ համագործակցութեան, համակարգման և տեղեկատուութեան փոխանակման, Թուրք-սուրիական սահմանը լաւ հսկելու միջոցով կարելի պիտի ըլլայ կանխարգիլել: Թրքական



մարմինները այդ խնդիրը գիտեն, սակայն այդ հարցին շուրջ անհրաժեշտ միջոցառումները բաւարար չափով չեն գործադրուիր: Եթէ օտար կուտղներուն մուտքը նուազեցնենք, ապա պիտի կարենանք չրջանին մէջ ԻՊ-ը մեկուսացնել ու թուլացնել», ըսած է ան:

### ԱՄՓՈՓ ԼՈՒՐ

■ ՔՈՒԷՅԹԵԱՆ «Ճարիտա» օրաթերթը գրած է, որ Իսրայէլի տիրողիները սկսած են դրամահաւաք Սուրիոյ մէջ տիրողներուն համար գէնք գնելու համար: Անոնք նաեւ յայտնած են, որ հազարաւոր իսրայէլացի տիրողի կամաւորներ պատրաստ են Սուրիա մեկնելով՝ պաշտպանելու տեղւոյ տիրողները:

## Գահիրէ Բողոքած Է Իսլամ Եղբայրներու Հետ Ուաշինկթընի Կապերուն Դէմ

ԱՄՆ դեսպան Սթիվըն Պեքրովտ Յունիսի 8-ին եգիպտական արտաքին նախարարութիւն հրահրուած էր բողոքելու համար իսլամ եղբայրներու (ԻԵ) կազմակերպութեան հետ պահանջող Մ. Նահանգներու պաշտօնական կապին դէմ:

Այս առնչութեամբ՝ ԱՄՆ արտաքին նախարարութեան բանբեր Ճեյ Ռաթքի Յունիսի 9-ին յայտարարած է, թէ ամերիկացի պատասխանատուներ պիտի չտեսակցին սոյն կազմակերպութեան ներկայիս Ուաշինկթըն գտնուող պատուիրակութեան անդամներուն հետ:

Ինչպէս ծանօթ է լիշեալ կազմակերպութիւնն արգիլուած է եգիպտոսի մէջ: Անցած Յունուարին ամերիկացի պաշտօնատարներ տեսնուած էին իսլամ եղբայրներու անդամներու հետ, անոնց Ուաշինկթըն գտնուած միջոցին: Ամերիկացի բանբերը մերժած է մեկնաբանել դեսպանի արտաքին նախարարութիւն հրահրելու պահի ընտրութիւնը, մինչ Գահիրէի ԱՄՆ դեսպանութիւնն ընդհանրապէս չէ մեկնաբանած դեսպանի հրահրման լուրը, միաժամանակ չէ հերքած Յունիսի 9-ին «Մասրի էլ եոմ»-ի այդ լրատուութիւնը: ■

## Տեմիրթաշ Խոստացած Է Հովանաւորել Թուրքիոյ Ժողովուրդները

Յունիսի 8-ին, ամբողջ Թուրքիան մեն հետաքրքրութեամբ հետեւեցաւ ընտրութիւններէն յաղթական դուրս եկած քրտաւէտ ժողովուրդներու ժողովրդավարական կուսակցութեան համանախագահ Սալահէտտին Տեմիրթաշի Պաքըրգիւի ճառախօսութեան, գրած է «Մարմարա», ու շարունակած.

«Տեմիրթաշ խանդավառ ելոյթ մը ունեցաւ, շնորհակալութիւն յայտնելով բոլոր այն գործակիցներուն, որոնց հետ պիտի շարունակէ իր ճամբան եւ որոնցմէ մէկն է խորհրդարանի հայազգի նոր անդամ Կարօ փայլանը:

«Տեմիրթաշ, որ մէկ օր առաջ վճռաբար կրկնած էր, որ իշխող կուսակցութեան հետ համախոհական կառավարութիւն պիտի չկազմէ, այս անգամ աւելի մեղմ խօսեցաւ, որովհետեւ գիտէր, որ հիւսն իր կուսակցութեան վրայ ծանր պարտականութիւն մը կը դրուէր կառավարութեան կազմութեան հարցին մէջ:

«Ան կրկնեց, որ քրտաւէտ կուսակցութիւնն է, որ իր հովանիին տակ պիտի ընդունի երկրի բոլոր ժողովուրդները: Ան ըսաւ. “Հայեր, ասորիներ, ալաւիներ, եզիդիներ, արաբներ, կրօնապաշտներ եւ ընկերվարականներ, բոլորը իրենց ներկայացուցիչները պիտի



ուսնանալ այս կուսակցութեան երդիքին տակ ու հոն պիտի փնտռուին անոնց խնդիրներուն լուծումները”:

«Տեմիրթաշ հեզնական ճճով խօսեցաւ վարչապետ Ահմէտ Տաւաթօղլուի կողմէ կիրակի գիշեր պատշգամէն կատարուած յաղթանակի ճառախօսութեան մասին: “Անկեղծ կ'ըսեմ, նախ կարծեցի, որ վարչապետին սխալ տեղեկութիւն պիտի չկազմէ, այս անգամ աւելի մեղմ խօսեցաւ, որովհետեւ գիտէր, որ հիւսն իր կուսակցութեան վրայ ծանր պարտականութիւն մը կը դրուէր կառավարութեան կազմութեան հարցին մէջ:

«Տեմիրթաշ ակնարկեց նաեւ այն գրահապատ կառքերուն, որոնցմով միշտ գօրատոր ճնշումով ջուր կ'արձակուի ցուցարարներու վրայ: “Հիւսն անոնցմով անտառները թող ջրեն”, ըսաւ ան, սրամտութիւններով լեցուն իր ճառախօսութեան ընթացքին»:

## Փութին Շնորհաւորած Է... Էրտողանը



Թրքական թերթեր Յունիսի 9-ին հրապարակած են լուր մը, որ «դիւանագիտական մոլորակներ»-ի հանգամանք ունի եւ կու գայ Ռուսիոյ նախագահ Վլատիմիր Փութինէն, գրած է «Մարմարա»:

Այսպէս, Քրեմլինի աղբիւրներու վրայ հիմնուելով կը հաղորդուի, թէ Փութին հեռաձայնած է իր Թուրք պաշտօնակիցին եւ Յունիսի 7-ի ընտրութիւններուն մէջ իշխող կուսակցութեան արձանագրած յաջողութիւններուն համար շնորհաւորած է զինք:

Ըստ նոյն հաղորդագրութեան՝ Փու-

թին եւ Էրտողան խօսած են երկկողմանի յարաբերութիւններու, ուժանիւթային համատեղ ծրագիրներու մասին:

Լուրը հեզնանքով ընդունուած է ընդդիմադիր կուսակցութիւններուն կողմէ և ընդդիմադիրներ պահանջած են գիտնալ, թէ ի՞նչ պատասխա-

նած է Էրտողան:

Ազգայնական չարժում կուսակցութեան երեսփոխան Օքթայ Վուրալ յայտարարած է, որ Փութինին պէտք է լիշեցնել, թէ Թուրքիա ոչ թէ նախագահական, այլ խորհրդարանական վարչաձեւով կը կառավարուի: «Բացի ատկէ, ոչ թէ չնորհաւորելու, այլ անցած ըլլայ ըսելու համար պէտք է հեռաձայնէր», ըսած է Վուրալ: Ան ըսած է, որ Փութին պարտաւոր է ներողութիւն խնդրել, որովհետեւ անտեսած է Թուրքիոյ խորհրդարանն ու վարչապետը: ■



## Յանուն Սուրիահայությանն Անվտանգությանն

Հայկաի բարդ կացությունը, ռազմական գործողություններու ելեւէջները, քաղաքական բեմահարթակի վրայ Հայկաիին առնչուող հակասական լուրերը, կենցաղային անհամար դժուարություններն ու յատկապէս բնակելի թաղամասերու պարբերաբար սաստկացող թիրախային ռմբակոծումները մտահոգութեան նոր ալիք բարձրացուցին ոչ միայն տեղւոյն բնակչութեան, այլեւ հայկաահայութեան ձակատագրով մտահոգ ողջ հայութեան մօտ:

Միջազգային բեմահարթակի վրայ տաքնապի լուծման հեռանկարի բացակայութիւնը, ճշնաժամի գլխատը հեղինակներուն անգամ կացութիւնը հակակշի տակ առնելու անկարողութիւնը, Սուրիոյ տաքնապի մօտալուտ լուծումը չեն ուրուագծեր:

Հայկաի ապահովական վիճակը ծանր է: Այս ուղղութեամբ պատկան մարմիններն ու Հայաստանի պետական ներկայացուցիչները տարբեր մակարդակներով յարաբերական աշխատանքներ կը տանին եւ իրենց կարելին ի գործ կը դնեն գաղութի անվտանգութեան ապահովման համար: Պետական մակարդակի վրայ այս խնդրի արծարծումը կը նախատեսուի Հայաստանի արտաքին նախարարին եւ Ազգային ժողովի պատուիրակութեան Սուրիա ալցելութեան ընթացքին:

Սուրիահայութեան եւ յատկապէս հայկաահայութեան զօրակցութեան կոչուած ճիգերուն մէջ, սակայն, մերթ ընդ մերթ գլուխ կը ցցեն այնպիսի երեւոյթներ, որոնք հայկաահայութեան նպաստելու փոխարէն՝ կը բարդացնեն անոր վիճակն ու խուճապի կը մատենեն բնակչութիւնը: Այստեղ անհրաժեշտ կը համարենք լուսարձակի տակ առնել ու պարզաբանել անոնցմէ մի քանին.

– Հայկաահայութեան ապրած հոգեկան ծանր տաքնապը առաւել սրել սկսած են հայկական մամուլին ու համացանցային էջերուն մէջ տարածուող տարաբնոյթ լուրերը, անպատասխանատու արտայայտութիւններն ու անճիշդ մեկնաբանութիւնները, որոնք երբեմն գաղութը պարպելու կոչերով, անհեռակար առաջարկներով իրարանցումներու մէջ կը խրեն տեղւոյն բնակչութիւնը:

Տեղին է հաստատել, որ սուրիահայութիւնը, հակառակ իր բազմապիսի կորուստներուն, Սուրիոյ տարբեր քաղաքներուն մէջ ներկայութիւն է եւ կը շարունակէ գոյատեւել ու գործել իր միութենական, ուսումնական, եկեղեցական հաստատութիւններով: Հաւաքական տեղաշարժի, գաղութ պարպելու խնդիրը, առանց անոր հետեւանքներուն լուրջ ուսումնասիրութեան, համագգային պատասխանատուութեան խնդիր է, որուն համար համահայկական առումով նպաստաւոր պայմաններ չենք տեսներ այսօր: Համայնքի պատասխանատուները յանձնառութեամբ եւ միասնական ճիգերով կը շարունակեն սուրիահայ գաղութը կանգուն պահելու իրենց աշխատանքը՝ միաժամանակ պատկան կողմերու հետ սերտելով կացութեան անակնկալ վաւթարացման պարագային նախատեսելի քայլերը:

– Սուրիահայութեան քաղաքական կեցուածքներուն գծով մերթ ընդ մերթ հանգամանալից հայ անձնատուութիւններու կողմէ կը հնչեն այնպիսի թիւր արտայայտութիւններ, որոնք արհեստական հաւասարակշռութիւն տեղծելու ձախող փորձեր են ու յաճախ նկատի չեն առնել համայնքի ներկայ կացութիւնն ու անոր առնչուող քաղաքական, ապահովական զգայնութիւնները:

Իրականութեան մէջ անհնար է սուրիահայութեան տաքնապի ամբողջական տարողութեան իրագել դառնալ ու բարոյապէս թէ քաղաքական գետնի վրայ իրողութիւնները տեսնելու, առանց Սուրիա ալցելելու, իսկ տարբեր մակարդակներէ հնչող զօրակցական կոչերը, խրախուսական ըլլալով մէկտեղ, կը դադրին ազդեցիկ գործօններ ըլլալէ եւ կը տատանին խօսքի սահմաններուն մէջ, եթէ գաղութի տարբեր շրջանակներուն հետ համակարգուած աշխատանքներու չվերածուին:

– Սուրիահայ երեխաներու Հայաստան տեղափոխութեան գծով եւ կը կը տարածուին ուռճացուած տեղեկութիւններ: Իրականութեան մէջ սուրիահայ երեխաներուն առնչուող Հայաստանի Ազգային ժողովին կողմէ հնչած

առաջարկը հայկաահայ որոշ թիւով երեխաներ ամառնային արձակուրդին Հայաստան հրաւիրել էր՝ զանոնք կազդուրելու միտումով: Առաջարկը սերտորութեան տակ է՝ նկատի ունենալով քաղաքէն դուրս գալու դժուար պայմանները: Հրաւերի այս առաջարկը Հայկաի ապահովական վիճակի բարդացման կանխատեսումներուն կամ սուրիահայ երեխաներու մեծ ծաւալով տեղափոխութեան առնչելը աղմկարար թափահարումներու ծառայող տարածանութիւններ են:

– Ներկայ դրութեամբ յստակ է նաեւ, որ Հայաստանի Հանրապետութեան հնարաւորութիւնները թույլ չեն տար պետականօրէն մեծաթիւ սուրիահայերու ներգաղթի կազմակերպման, ապա նաեւ՝ կեցութեամբ ու աշխատանքով ապահովելու զանոնք: Այսուհանդերձ, Հայաստանի կառավարութիւնը հնարաւորինս կ'օժանդակէ հայրենիք հաստատուած սուրիահայերուն:

Միւս կողմէ, տաքնապէն տուժած ընտանիքները Հայաստան տեղափոխելու եւ անոնց փոխադրութեան ու կեցութեան ժամանակաւոր ծախսերը հոգալու կոչուած մասնակի կարգ մը նախաձեռնութիւններուն անհրաժեշտ է գգուելութեամբ մօտենալ եւ ուռճացուած կերպով շնորկայացնել զանոնք, յատկապէս երբ անոնք սուրիահայութեան խնդիրներուն ամբողջական լուծման չեն նպաստեր, այլ պարզապէս սահմանափակ թիւով ընտանիքներու որոշ խնդիրները կը լուծեն:

Հայկաի օր ըստ օրէ վաւթարացող տուեալներու լոյսին տակ անհրաժեշտ է շարունակել սուրիահայութեան օժանդակութեան եւ անոր անվտանգութեան ապահովման ուղղուած աշխատանքները՝ միշտ կապի մէջ մնալով տեղւոյն պատասխանատու շրջանակներուն հետ, որուն աւերթեր օժանդակել Հայաստան կամ հայկական գաղութներ կայք հաստատած սուրիահայերուն միաժամանակ գգոյշ ըլլալով, որ տարբեր երկրները հաստատուած հայութեան օգնութիւնը չըլլայ Սուրիա ապրող հայ բնակչութեան օժանդակութեան հաշուոյն:

Խմբագրական «Գանձասար»ի Մայիս Դ./2015

## Պեւճիբայի Խորհրդարանի Պալատը Մտադիր Է Ճանչնալ Հայոց Ցեղասպանութիւնը

Պեւճիբայի Խորհրդարանի Ստորին պալատի մեծամասնութիւնը մտադիր է ճանչնալ Հայոց ցեղասպանութիւնը: Այս մասին RTBF եւ RT պատկերասփիւռի կայաններուն տուած հարցազրույցին ընթացքին յայտարարած է Պեւճիբայի Խորհրդարանի ներկայացուցիչներու տան «Բարեփոխական շարժում» (MR) խմբակցութեան առաջնորդ Տենի Տիւքարմ:



Ըստ «Արմենիքէս»ի՝ յառաջիկային խմբակցութեան առաջնորդը համապատասխան բանաձեւի նախագիծ պիտի ներկայացնէ Ստորին պալատին՝ առ ի քննարկում: Նշենք, որ «Բարեփոխական շարժում»ը միակ քաղաքական ուժը չէ, որ կը պահանջէ անյապաղ ճանչնալ Հայոց ցեղասպանութիւնը:

Համախառնութեան անդամ մէկ այլ կուսակցութիւն մը «Ֆլամանտ նոր դաշինքը» (N-VA), Հայոց ցեղասպանութեան ճանաչման վերաբերեալ արդէն բանաձեւի նախագիծ ներկայացուցած է, սակայն Տիւքարմ չեշտած է, որ նախագիծը տակաւին լուրջ մշակման կարիք ունի, որովհետեւ բովանդակութեան մէջ կը բացակայ Ստորին պալատին կողմէ Հայոց ցեղասպանութեան ճանաչման մասին դրոյթը, ինչ որ, ըստ

պարբերականին, Տիւքարմ նկատած է կարեւորագոյն կէտը:

RLN պարբերականը հաստատած է, որ բոլոր կուսակցութիւններն ալ կ'ուզեն ճանչնալ Հայոց ցեղասպանութիւնը, եւ թրքական ծագում ունեցող կարգ մը պատգամաւորներու վերաբերումը վէճի պատճառ կը դառնայ: Պարբերականը կը յիշեցնէ «Ժողովրդավարական մարդասիրական կեդրոն» կուսակցութեան օրինակը, երբ Հայոց ցեղասպանութեան ճանաչումը մերժող պատգամաւոր Մահմուդ Օզտեմիրը հեռացուած էր կուսակցութեան շարքերէն:

Նշենք, որ Պեւճիբայի Ծերակոյտը 1998-ին ճանչցած է Հայոց ցեղասպանութիւնը եւ կոչ ուղարձ թուրքոյ՝ ընդունելու իր անցեալը: ■

## Հագուագիւտ Զուրթակներու Ցուցահանդէս-Վաճառք Երեւանի Մէջ

Արամ Խաչատրեանի երեւանեան տուն-թանգարանին մէջ ցուցադրուած եւ վաճառքի դրուած են 18-19-րդ դարերու հագուագիւտ ջութակներ, որոնց կարգին՝ Անթոնիօ Միքատիվարիուսի, Նիքոլօ Կալիանոյի եւ աշխարհահռչակ այլ վարպետներու պատրաստած ութ ջութակներ:



«Աշխարհում ընդունուած է, որ մրցութիւններում կազմակերպւում են այսօրինակ ցուցահանդէսներ: Կարող եմ փաստել, որ ոչ միայն «Արամ Խաչատրեան-մրցութիւն», այլ առհասարակ՝ Հայաստան առաջին անգամ են բերւում նման որակի եւ քանակի գործիչներ», յայտնած է «Արամ Խաչատրեան-մրցութիւն» մշակութային հիմնարկի տնօրէն Աննա Տէր Յովակիմեան:

Ցուցահանդէսի կազմակերպիչն է «Արամ Խաչատրեան-մրցութիւն» մշակութային հիմնարկը: Զուրթակները տրամադրած է գուլիցերիական «Տել ձեզու» հիմնադրամը: Ցուցահանդէսի բացման արարողութեան հիմնադրամի տնօրէն Ռուպերթ Տիմիթրեսցու նշած է, որ ուրախ են՝ դառնալով Արամ Խաչատրեանի անունով մրցումի մասնակիցներէն:

հետեւողը կը նկատէ, որ Կիւլէնի շարժումը նոյնիսկ Արդարութիւն եւ Բարգաւաճում կուսակցութեան մէջ դեռ մեծաթիւ համակիրներ ունի:

Ընտրութեան արդիւնքներու քարտէսին նայելով կրնանք ըսել, որ թուրքոյ Արեւմուտքը Հանրապետական ժողովրդավարական է, Արեւելքը՝ քրտական, երկուքին միջեւ՝ արդարութիւն եւ բարգաւաճում գաղափարի հետեւողը է, իսկ ազգայնական Շարժում կուսակցութիւնը միայն մէկ նահանգի մէջ տիրական է:

Քուէները յստակացան.- աւելի ճշգրիտ՝ քուէները իսկական տէրերը դարձն. օրինակ, Ժողովրդային Հանրապետական կուսակցութեան կորանցուցած քուէները անցան քիւրտներուն: Գաղտնիք չէ, որ մեծ քաղաքներուն մէջ քիւրտները յաճախ այս կուսակցութեան կը քուէարկէին: Թուրքոյ արեւելեան շրջաններուն մէջ եւս քիւրտները սկսան իրենց քուէներուն տէր դառնալ: Յաճախ գուտ կրօնական մղումներով AKP-ին հակող քիւրտները այս անգամ աւելի կտրուկ արտայայտուեցան: Թերեւս պատճառը աշխարհագրական այս տարածքին մէջ զգալիօրէն զարթնած քրտական ինքնավարութիւնն է:

Նոր Խորհրդարանը երեք հայ պատգամաւոր ունի: Ցեղասպանութեան հարցով հայկական առաջնական ակնկալութիւնները մէկդի պէտք է դնել եւ հիմա պէտք է շատ գգուել ըլլալ, որպէսզի թուրքերը «ընտրուած թրքահայու» խաղաքարտը չխաղան Սփիւռքի եւ Հայաստանի հետ... ■

## Թուրքիոյ Նոր Խորհրդարանը

(Քանի մը Արագ Գրառում)



այլեւս: Բարդատեւելու համար նշենք, որ Ազգայնական Շարժում կուսակցութիւնը 81 երեսփոխան ունի նոյն Խորհրդարանին մէջ: Այստեղ կ'արժէ յիշեցնել, որ այս կուսակցութիւնը վեց փոքր կուսակցութիւններու միացումով կազմուած է եւ երկու համանախագահներ ունի: Թերեւս կուսակցութեան սպասուող փորձութիւններէն մէկը այս միութեան պահպանումը պիտի ըլլայ:

Քիւրտները նոր եւ փալլուն առաջնորդ մը ունեցան: Սեւահէտտին Տէմիրթաշի խիզախ, արագ, կտրուկ եւ վճռական կեցուածքները այս շարժման անդամներուն վրայ դրական ազդեցութիւն կը ձգէ:

Յեթուլլահ Կիւլէնի ուղղականը այս ընտրութեան ներկայ էր: Թէեւ Կիւլէնական շարժումը էրտողանի (եւ անոր մօտիկներու) թիրախն է, սակայն ուշադիր

Մեծ բացական.- Արդարութիւն եւ Բարգաւաճում կուսակցութեան նախագահ, վարչապետ Ահմէտ Տաւուտօղլուն է: Թուրքիոյ համար յաջող արտաքին նախարարը, փաստօրէն, որպէս վարչապետ ձախողեցաւ: Յիշեցնենք, որ ստիկա կուսակցապետ եւ վարչապետ Տաւուտօղլուի առաջին քննութիւնն էր, առաջին ընտրութիւնը: Տաւուտօղլու միշտ նախագահ էրտողանի շուքին մէջ եղած է, այնքան, որ չատեր կը մոռնան կուսակցապետի անոր հանգամանքը:

Արդարութիւն եւ Բարգաւաճում Կուսակցութիւն.- 2002-էն ի վեր իւրաքանչիւր ընտրութեան իր քուէները աւելցուցած կուսակցութիւնը այս անգամ թէ՛ թուրքիոյ տարածքին եւ թէ՛ իւրաքանչիւր անհանգի մէջ քուէ կորսնցուց: Այս ընտրութեան արդիւնքներու լոյսին տակ համախոհական կառավարութիւն, կամ «կողքամասնական կառավարութիւն» կազմելու պարտաւորութեան դիմաց է:

Նախագահ էրտողանի նախագահական համակարգը հաստատելու հետեւ-կարը չափազանց դժուար ուղի մտաւ: Խորհրդարանական բաւարար մեծամասնութիւն չունենալով, այլ նպատակին հասնելու համար այլընտրանքը հանրաքուէն է: Էրտողան պիտի դիմէ՞ այս արկածախնդրութեան:

Քրտական գործօնը.- HDP-ն իսկական անակնկալ էր: Խորհրդարան մտնել-չմտնելու կասկածները փարատելէն անդին անցնելով, Ժողովուրդներու Ժողովրդավարական Կուսակցութիւնը, 79 երեսփոխաններով, որոշիչ դեր ունի

նի անուան մրցումի մասնակիցներէն: «Իմ կեանքում չստ եմ հանդիպել հայ երաժիշտների, կարծում եմ, որ Հայաստանը դասական երաժշտութեան փառաւանդութիւնը ունի, եւ չստ ուրախ եմ, որ այս պատմական հաւաքածուն այսօր Հայաստանում է ու հենց «Արամ Խաչատրեան մրցութիւն»ի առիթով», յայտնած է Ռուպերթ Տիմիթրեսցու: Նշենք, որ կազմակերպիչներուն ընտրութեամբ մրցումի դափնեկիրներէն մէկուն իրատեւաբար պիտի վերապահուի մէկ տարի նուազելու ցուցադրուած գործիքներէն Ռիլէմի 1825 թուականի ջութակով: Ուստի, այլ ջութակը ցուցադրուած է, բայց չի վաճառուիր: ■

## «Որոտան»ի Վաճառքի Պայմանագիրը Ստորագրուած Է

Վարչապետ Յովիկ Աբրահամեանի ներկայութեան, կառավարութեան չէնքին մէջ Թունիսի 8-ին ստորագրուած է «Որոտան հիւրոնեկետրակայանների ճանաչում» ընկերութեան գուլի առքուվաճառքի պայմանագիրի ստորագրումը՝ որպէս հայ-ամերիկեան տնտեսական յարաբերութիւններու ամրապնդման ուղղութեամբ կարեւոր քայլ:

գէֆ Պրենտ: Վարչապետը ողջունած է «Որոտան հիւրոնեկետրակայանների համալիր» ընկերութեան գուլի առքուվաճառքի պայմանագիրի ստորագրումը՝ որպէս հայ-ամերիկեան տնտեսական յարաբերութիւններու ամրապնդման ուղղութեամբ կարեւոր քայլ:

Երկու երկրներու տնտեսական կապերու ընդլայնման անդադարաւաւելով, վարչապետը կարեւոր համարած է նաեւ Մալիսին, Ուաշինկթընի մէջ «Առեւտրի եւ ներդրումների մասին շրջանակային համաձայնագիր» ստորագրուած է այս առքուվաճառքի պայմանները կը ստեղծէ ներդրումներու ներդրուման, ապրանքի շրջանառութեան եւ առեւտրի իւրախուման համար:

Ճողէֆ Պրենտ «աննախադէպ» համարած է այս առքուվաճառքի պայմանագիրի ստորագրումը եւ ընդգծած, որ իրենք չահագորդուած են եւ կը ծրագրեն մեծածաւալ ներդրումներ կատարել՝ համալիրի արդիականացման ու լիարժեք գործարկման համար: ■



## Վանի Մէջ Կայացած Գիտաժողովներուն՝ Հայերէնով Զեկուցումներ



Տոքթ. Սարգիս Ասաւ կը տեղեկացնէ, թէ Յունիսի 4-6, Վան քաղաքին մէջ գումարուած է Միջազգետքի բժշկական միութեան եւ Վանի Հաքքարի բժշկական կաճառի միասնաբար կազմակերպած է. բժշկագիտական, Բ. ատամնաբժշկագիտական եւ Ա. դեղագործագիտական գիտաժողովները, որոնց մասնակցած են 13 երկիրներէ աւելի քան 700 մասնակիցներ, իրենց 105 գիտական զեկուցներով:

Գիտաժողովին մասնակցած են նաեւ երեք հայ բժիշկներ, երեք հայ ատամնաբժիշկներ եւ հայ դեղագործ մը (Մարիամ Սարգիսեան, իրաք), որոնք հանդէս եկած են հետեւեալ նիւթերով՝

«Շրժուէքներու եւ Գիւմքերու ձեղքերը» (ատամնաբժիշկ Թորոս Ալճան), «Երիկամի Զարկերակի Սղմում» (տոքթ. Արա Ուղուրեան), «Հիանալի ու Մարդկային» (տոքթ. Համբարձում Մերկերեան) իսկ գիտաժողովի հալերէն բաժինի վարիչ տոքթ. Սարգիս Ասաւ՝ «Պարբերական Հիանալուի-Հայկական Հիանալուի» նիւթով: Բոլոր բժիշկներն իրենց զեկուցները ներկայացուցած են հայերէն լեզուով:

Հայ բժիշկներու կողմէ հայերէն լեզուով ներկայացուած զեկուցումները դարձած են ներկաներու ուշադրութեան ու հետաքրքրութեան կիզակետը,

արժանանալով գիտաժողովի կազմակերպիչներու բարձր գնահատանքին:

Գիտաժողովի աւարտին, կազմակերպիչ մարմնին կողմէ հրատարակուած է միացեալ ամփոփագիր մը, ուր յիշուած են Միջին Արեւելքի տարածքին ապրող ժողովուրդներու տառապանքներն ու ողբերգութիւնները, նշուած է նաեւ մարդու կեանքին եւ մարդու առողջութեան, խաղաղութեան եւ եղբայրութեան կարեւորութիւնը: Հրատարակութեան մէջ շեշտը դրուած է նաեւ տարածաշրջանի աշխարհագրութեան մէջ ապրող ժողովուրդներու ապրած հաւածանքներուն, բռնատիրութիւններուն ու պատերազմներուն դէմ միասնաբար պայքարելու հրամայականին վրայ՝ աւարտելով հետեւեալ տողերով. «Տարածաշրջանին մէջ տիրող քաղաքական անկայունութիւնն ու տագնապալի կացութիւնը բնակիչներու ներաշխարհին մէջ ստեղծեց լարուածութիւն ու հոգեկան խանգարում: Մարդը առողջութիւնը կը կարօտի գիտական քննարկումներու: Հետեւաբար այս նիւթը դարձաւ մեր այս տարուայ գիտաժողովի մայր թեման: Մարդու կեանքը ծայր աստիճան կարեւոր է: Մենք, որպէս բժիշկներ, ատամնաբժիշկներ, դեղագործներ պիտի չարունակենք պաշտպանել ու յարգել մարդու ապրելու իրաւունքն ու կեանքը, ինչպէս որ մինչեւ այսօր պաշտպանեցինք ու յարգեցինք: Մենք արդէն այս ուղղութեամբ երդում մ'ը ունինք»:

Հրատարակութեան մէջ շեշտը դրուած էր նաեւ մայրենի լեզուի գործածութեան պահպանման ու պաշտպանման կարեւորութեան վրայ: ■

## ԺՈՂՈՎՈՐԴՆԵՐՈՒ ԺՈՂՈՎՐԴԱՎԱՐԱԿԱՆ ԿՈՒՍԱԿՑՈՒԹԻՒՆ.

### «Ձախողութեան Մատնեցինք Նախագահական Վարչակարգի Անցնելու Էրտողանի Ծրագիրը»

Գրտամէտ ժողովուրդներու ժողովրդավարական կուսակցութիւնը յայտարարեց, որ ձախողութեան մատնած է Թուրքիոյ նախագահ Ռեճեփ Թայիփ Էրտողանի՝ երկրին սահմանադրութիւնը բարեփոխելով վարչակարգը նախագահականի վերածելու ծրագիրը:

Կուսակցութիւնը նշեց, որ Արդարութիւն եւ բարգաւաճում կուսակցութեան հետ համախորհակաՆ կառավարութեան մը մաս պիտի չկազմէ:

Թուրքիոյ վարչապետ Ահմէտ Տաւտօղլու իր կարգին յայտարարած է. «Արդարութիւն եւ բարգաւաճում կուսակցութիւնը առաջին դիրքի վրայ է եւ խորհրդարանական ընտրութիւններուն յաղթականը» նշելով. «Ոչ ոք կրնայ իր պարտութիւնները յաղթանակներու վերածել, եւ բոլորը պէտք է իրենք զիրենք հաշուետուութեան կանչեն»:

Ան շեշտած է, որ ժողովուրդին կամքը բարձրագոյն եւ վերջնական կամքն է, զոր բոլոր կողմերն ու կուսակցութիւնները պէտք է յարգեն: «Իշխանութեան վրայ 12-13 տարին պատմական մեծ երթերուն համար պարգապէս սկիզբն են: Փառք Աստուծոյ, մեծ յաջողութիւններ արձանագրեցինք եւ տակաւին ունինք արձանագրելիք», ընդգծած է ան:

Տաւտօղլու թրքական կուսակցութիւններուն կողմ ուղղած է Թուրքիոյ «ապագային եւ խաղաղութեան ու կայունութեան հաստատման համար» բանաձեւել «աշխարհիկ» սահմանադրութիւն մը՝ շեշտելով. «Ոչ մէկ ուժ կրնայ տիրել ժողովուրդին կամքին, եւ որեւէ լուպի կամ էութիւն երկրին ձակաւտագիրին ճշգրտման մէջ դեր պիտի չունենայ»:

Էրտողան Յունիսի 8-ին խորհրդակցած է Տաւտօղլուի հետ եւ քննած խորհրդարանական ընտրութիւններուն արդիւնքը:

Թրքական «Միլլիէթ» օրաթերթի կալքը հաղորդեց, որ Էրտողան կիրակի հրապարակած է յայտարարութիւն մը, որուն մէջ ընդգծած է, որ ընտրութիւններուն մասնակցութեան ցուցանիշը



աճած է, ինչ որ ժողովրդավարացման հարցին մէջ վճռականութեան նշան է:

«Մեր ժողովուրդին գնահատականը ամէն բանէ բարձր է: Ան որեւէ կուսակցութեան առանձին իշխելու կարելիութիւն չէ տուած, եւ այսպիսի պատկերի պարագային ընտրութեան մասնակցած բոլոր կուսակցութիւններուն կողմէ կ'ակնկալեմ առողջ եւ իրատեսական մօտեցում: Ընտրութեանը ետք սկսած այս նոր ժամանակաշրջանին մէջ մեր երկրին մէջ կայունութեան ու վստահութեան մթնոլորտի, ժողովրդավարական ձեռքբերումներու պահպանման հա-

մար բոլոր կուսակցութիւններ անհրաժեշտ զգայնութիւնը պէտք է ցուցաբերեն եւ պատասխանատու մօտեցում դրսեւորեն», ըսած է ան:

Միւս կողմէ, Թուրքիոյ գնչուներն ու եզիտները առաջին անգամ ըլլալով ներկայացուած պիտի ըլլան խորհրդարանին մէջ: Հանրապետական ժողովուրդի կուսակցութեանը գնչու թեկնածու Էօզճան Պուրչու եւ ժողովուրդներու ժողովրդավարական կուսակցութեանը եզիտի թեկնածուներ Զեյնէֆաա Ուճա եւ Ալի Աթալան խորհրդարանին մէջ աթոռներ ապահոված են:

Նշենք, որ ընտրութիւններէն ետք Պուլսոյ սակարանը երկուշաբթի 6 տուրս անկում արձանագրած է, իսկ թրքական թղթատկին արժեզրկուած: Իշխող կուսակցութեան արձանագրած արդիւնքին լոյսին տակ անկում կրած է նաեւ ջրաշիթ մեքենաներ արտադրող թրքական ընկերութեան մը բաժնետոմսերու սակը: ■

## Ռուսիա Կը Յուսայ՝ ՄԱԿ-ի Ընդհանուր Ժողովին ԵՏՄ-ին Դէտի Կարգավիճակ Կը Տրուի

ԹԱՄՍ կը գրէ, որ Ռուսիոյ արտաքին նախարար Սերգէյ Լաւրով Պեքոտաի արտաքին նախարար Վլատիմիր Մաքչէի հետ տեսնուելէ ետք յայտարարած է, որ Ռուսիա յոյսով է, որ ՄԱԿ-ի Ընդհանուր ժողովի 70-րդ նստաշրջանին, որ պիտի կայանայ Սեպտեմբերին, եւրասիական տնտեսական միութեան (ԵՏՄ) դէտի կարգավիճակ կը տրուի:

«Յոյս ունինք, որ Սեպտեմբերին՝ Ընդհանուր ժողովի 70-րդ նստաշրջանին, եւրասիական տնտեսական միութիւնը կը ստանայ դէտի կարգավիճակ: Մենք մեր գործընկերներուն հետ կը համակարգենք այդպիսի նախագի-



ծի յառաջխաղացման աշխատանքները ՄԱԿ-ի մէջ», նշած է Լաւրով:

ՄԱԿ-ի Ընդհ. ժողովի դէտի կարգավիճակ ունին ՄՊՀ-ն, ՆԱՀԿ-ը, Եւրոպական Միութիւնը, Արաբական լիկան: ■

## Նոր Թատերաբեմը Թուրքիոյ Մէջ

Թուրքիոյ խորհրդարանական ընտրութիւններու վերջնական արդիւնքները տակաւին չեն յայտարարուած. այնուամենայնիւ քաղաքական թատերաբեմի ուրուագիծը յստակ կը թուի ըլլալ այս կէտին վրայ: Էրտողան չէ յաջողած Ազգային Մեծ Ժողովէն դուրս պահել Սեւահէտսին Տեմիրթաշի նոր



Գրեց՝ ԿԱՐՕ ԱՐՄԷՆԵԱՆ

կուսակցութիւնը՝ ՀԴԴՔ-ն: Գուէներու երկու երրորդի հաշուառումը ցոյց կու տայ, որ Տեմիրթաշ արդէն ճեղքած է 10%-ի պայմանական շեմը եւ կը պատրաստուի տեղ գրաւել նոր խորհրդարանէն ներս: Իսկ Էրտողանի կուսակցութիւնը՝ ԱԿՔ, որ 2002-էն ի վեր կը տիրապետէր երկրի քաղաքական դաշտին, դեռ չէ իսկ հասած 45%-ի մակարդակին: Մեծ պարտութիւն մը, արդարեւ, Նախ, Էրտողանի համար և մեծ հարուած մը՝ իր հեղինակութեան:

Այս բոլորէն կը հետեւի, որ կը գտնուինք Թուրքիոյ քաղաքական դաշտի վերադասաւորման նախօրեակին: Ճիշտ է, որ Էրտողանի կուսակցութիւնը վարչապետ Տաւտօղլուի գլխաւորութեամբ պիտի չարունակէ ըլլալ մեծամասնական ուժը Ազգային Մեծ Ժողովէն ներս և սակայն իր գեղեցած ուժականութեամբ՝ ան պիտի տարիպի փնտռել գործակցութիւնը իր հակառակորդներուն: Անոնցմէ առաջինը Գլխաւորաբար իր քեմալիստներն են (CHP), որոնք հաւանաբար պիտի գրաւեն (ինչպէս նախապէս) երկրորդ տեղը խորհրդարանին մէջ: Այս վերջինին կը յաջորդեն Պահէթիի ծայրայեղ աջակողմեան ազգայնականները (MHP), որոնք, ըստ դիտողներու, վերջերս մերձեցման որոշ տրամադրութիւն կը ցուցաբերեն Էրտողանի կուսակցութեան նկատմամբ: Էրտողան և Տաւտօղլու պիտի ուզեն դաշնակցել այս երկու ուժերէն մէկնու-մէկուն հետ: Եւ յստակապէս որո՞ւն: Եւ ի՞նչ առաջադեմութեան համար և ի՞նչ գնով...

Էրտողանի կուսակցութեան առաջնահերթ խնդիրն է այսօր խորհրդարանէն կորզել իրենց կողմէ առաջարկուած սահմանադրական փոփոխութիւններու փաթեթը, որուն շնորհիւ ԱԿՔ

ինքզինք կը հաստատէ որպէս լայն լիազօրութիւններով գործող միահեծան նախագահական ուժ: ԱԿՔ կրնայ այս բանն իրագործել համաձայնութեան եզերք գտնելով իր վերոյիշեալ հակառակորդներուն հետ և բանալի դիրքեր գիշերով անոնց: Թուրքիոյ ներքին քաղաքական դաշտը պիտի բերեղանայ՝

թէ աւելի ևս պիտի պղտորի նմանօրինակ մէկ դաշինքով: Գրտական խնդիրը կ'երթայ նոր բեռնացումներ, թէ նոր համակցութեան: Եւ վերջապէս ի՞նչ բանի կը յանգի Էրտողանի «օսմանականութեան» տարածաշրջանային քաղաքականութիւնը այս բոլորէն ետք... Եւ

ինչպիսի՞ յենարաններու կրնայ ապաւինել Էրտողան Արևմուտքի և Ռուսաստանի մէջ:

Պէտք է անշուշտ բացառել հաւանականութիւնը Տեմիրթաշի հետ ուղղակի հաշտի նստելու Էրտողանեան նախաձեռնութեան մը: Էրտողան կրնայ նախ փորձել խաղաքարտերը խառնել հարցականի տակ առնելով ՀԴԴՔ-ի քուէն դիմելով Սահմանադրական Դատարան: Այդ բանին գինը շատ բարձր է և յաջողութիւնը՝ լրջօրէն խնդրական: Էրտողան կրնայ նաև փորձել իր նոր խաղին մէջ ներքաշել ՀԴԴՔ-ն... Այս մէկը բոլորովին նոր և ականաւոր՝ փորձառաջտ մըն է քիւրտներու այսօրուան դեկալարութեան համար: Իրականութեան մէջ, ասիկա քիւրտներու քաղաքական հաստնութեան իսկական վալյուկեանն է: Զմարտութեան վալյուկեանը: Տեմիրթաշ պիտի կրնայ մնալ սեւոռուած մարդկային իրաւանց և ժողովրդավարութեան ի խնդիր մղուող պայքարի իր դիրքերուն վրայ: Պիտի կրնայ ուժի նոր խաղիս մը ձևաւորել Թուրքիոյ քաղաքական կեանքին մէջ: Պիտի կրնայ բանալ Թուրքիան նոր փորձի և նոր չափանիշներու համար: Թուրքիոյ ներքին քաղաքականութեան թատերաբեմը իսկապէ՞ս պիտի ըլլայ նոր, թէ պիտի չարունակէ ցղացնել վերջին 150 տարուան ընթացքին դիտարկուած Թուրքիոյ բոլոր մուլթ բնագոյնները: Եւ Տեմիրթաշ ի վերջոյ ո՞ր Թուրքիոյ մաս պիտի կազմէ: ■

## Վերջին Երեք Հազար Տարիներուն Հայերը Պահպանած են Իրենց Մարդաբանական Տեսակը



ԼԵՌՈՆ ԵՊԻՍԿՈՊՈՍԵԱՆ

Գոփենհակընի համալսարանին մէջ կատարուած կենսաաշխատական ու Ժառանգաբանական հետազոտութիւններու արդիւնքներուն համաձայն՝ հակառակ բազմաթիւ օտարածին երեւոյթներուն, հայոց ծինային ֆոնտին մէջ էական արտաքին ազդեցութիւն չէ արձանագրուած, եւ առնուազն վերջին երեք հազար տարիներուն հայերը չեն միախառնուած ու պահպանած են իրենց մարդաբանական տեսակը:

Համալսարանին կատարած ուսումնասիրութեան արդիւնքները ներկայացուցած է Հայաստանի Գիտութիւններու ազգային ակադեմիայի կենսաբանութեան հիմնարկի «Էթնոգենետիկայի լաբորատորիա»ի վարիչ, կենսաբանական գիտութիւններու դոկտոր, փրոֆեսոր Լեւոն Եպիսկոպոսեան: Այս մասին գրած է «Արմառաիօ»-էն Լիլիթ Մուրադեան:

Գոփենհակընի համալսարանին մէջ ուսումնասիրուած են 101 հնագոյն

ծինային նմուշներ՝ եւրասիոյ տարբեր շրջաններէ: Ուսումնասիրութեան մէջ առաջին անգամ տեղ գտած են Հայաստանի պրոնզէ եւ երկաթէ դարերու տարբեր հնավայրերուն մէջ պեղուած մարդու ծինային տուեանները: Ուսումնասիրութեան նպատակը պրոնզէ դարուն եւրասիոյ բնակչութեան ծինային նկարագիրը ճշդելն է:

Լեւոն Եպիսկոպոսեան ըսած է. «Հայաստանի ներկայ տարածքում յայտնաբերուած բրոնզէդարեանի նիւթերն ունեն նոյն գենետիկական պատկերը, ինչ ունենք այսօր: Այսինքն՝ հազարամեակներ շարունակ այս տարածքի վրայ ապրել ու այսօր էլ շարունակում է ապրել մարդաբանական նոյն տեսակը»:

Նշենք, որ տարածաշրջանի երկիրներէն այս հետազոտութեան մասնակցած է միայն Հայաստանը: Ըստ Եպիսկոպոսեանի՝ պատճառը այն է, որ Հայաստան չունի խնդիր եւ բարդութիւն: «Համագործակցութեան առաջարկը մեր արեւելեան հարեանը մերժել է պատճառաբանութեամբ, թէ Ադրբեջանում այսօր իրականացում է էթնիկական կոնտիլիդացման քաղաքականութիւն եւ նման հետազոտութիւններով չեն ցանկանում խտրականութիւն մտցնել կամ անջրպետ առաջացնել էթնիկ խմբերի միջեւ»:



## Արամ Ա. Կաթողիկոս Տեսակցած Է Գանատայի Պաշտպանութեան Նախարարին Հետ

Զորեքշաբթի, 3 Յունիս 2015-ին, Մեծի Տանն Կիլիկիոյ Արամ Ա. կաթողիկոս, Օթթաուայի մէջ, աւելի քան ժամ մը տեւողութեամբ հանդիպում ունեցած է Գանատայի պաշտպանութեան նախարար ձէյսըն Քենիի հետ: Վեհափառն ու պաշտպանութեան նախարարը անձնական բարեկամներ ըլլալով եւ Անթիլիասի ու Գանատայի մէջ յաճախակի առիթներով հանդիպած ըլլալով, մտերմիկ միջոցառում մէջ ու իրապաշտ մօտեցումով քննած են չարք մը հարցեր, որոնց չարքին՝ Միջին Արեւելքի ներկայ կացութիւնը եւ Հայոց ցեղասպանութեան հարիւրամեակին առնչուող չարք մը խնդիրներ:

Անոնք շեշտած են Միջին Արեւելքէն ներս թէ այլուր իսլամ ծայրայեղականներուն կողմէ ստեղծուած կացութիւնը միացեալ ճիգերով դիմագրաւելու անհրաժեշտութիւնը: Վեհափառ հայրապետն ու նախարարն ընդգծած են Հայոց ցեղասպանութեան ճանաչման ու հատուցման հրամայականը: Նախարարը յատկապէս շեշտած է Միջին Արեւելքի մէջ քրիստոնեայ համայնքներու պաշտպանութիւնը ապահովելու կարիքը: Այս ծիրէն ներս, վեհափառն անդրադարձած է Սուրիոյ ու յատկապէս Հալէպի հայութեան դիմագրաւած ներկայ դժուարութիւններուն:



Ապա, Արամ Ա. կաթողիկոս Մեծի Տանն Կիլիկիոյ կաթողիկոսութեան «Ապետ»ի շքանշանով պարգեատրած է նախարար Քենիին՝ առ ի գնահատանք հայ ժողովուրդին ու Հայ դատին անոր յարատեւ զօրակցութեան:

Յայտնենք, որ նոյն օրը՝ Պոսթընէն Օթթաուայ ժամանելէ անմիջապէս ետք, Գանատա-Հայաստան բարեկամութեան խորհրդարանական խումբի նախագահ՝ Երեսփոխան դր. Հարոյտ Ալպրեիթ, Գանատայի խորհրդարանին մէջ ճաշկերոյթ կազմակերպած է ի պատիւ Արամ Ա. կաթողիկոսին, որու ընթացքին

վեհափառն ու հիւրընկալը լայնօրէն անդրադարձած են Հայաստան-Գանատա դործակցութեան կարեւորութեան:

Սոյն տեսակցութիւններուն ներկայ գտնուած են՝ Գանատայի Հայոց թեմի առաջնորդ Մեդրիկ եպս. Բարիքեան, Ազգային Կեդրոնական վարչութեան անդամ ժիրալ Պասմաճեան, Ազգային Վարչութեան ատենապետ Գրիգոր Տէր Ղազարեան, Հայ դատի յանձնախումբի նախագահ Յակոբ Տէր Խաչատուրեան, Գանատայի Հայ դատի յանձնախումբի ատենապետ Բաֆֆի Տօնապետեան եւ Յուսիկ ծ. վրդ. Մարտիրոսեան: ■

## ...Եւ Կրօնից Ազատութեան Նախարարի Հետ



Արամ Ա. կաթողիկոս, Օթթաուայի մէջ երկար հանդիպում մը ունեցած է Գանատայի կրօնից ազատութեան նախարար դր. Էնտրու Պէննըթի եւ նախարարութեան բարձրաստիճան պատասխանատուներու հետ:

Հանդիպումի ընթացքին Արամ Ա. կաթողիկոս եւ նախարար Պէննըթի արժարած են կրօններու ազատութեան հրամայականին եւ սկզբունքներուն առնչուող զանազան հարցեր: Նախարարը նշած է, թէ այս օրերուն Միջին Արեւելքի անցուղաբոց իրենց օրակարգին վրայ հրատապ հարց են եւ մտահոգութեամբ կը հետեւին քրիստոնէութեան ու հայութեան Սուրիոյ մէջ դիմագրաւած դժուարութեանց: Ան ըսած է թէ աշխատանք կը տանին նաեւ միջազգային ընկերութեան ուշադրութեան յանձնելու չըմանէն ներս փոքրամասնութիւններու դիմագրաւած դժուարութիւնները՝ միշտ յիշեցնելով թէ հանդուրժողութիւնը կարեւոր է բազմակրօն ընկերութեան համար:

Վեհափառը՝ մեկնելով երկար տարիներու միջ-եկեղեցական ու միջ-կրօնական ծիրէն ներս ունեցած փորձառութենէն, իր տեսակէտներն ու մտահոգութիւնները պարզած է ու յատկապէս մատնանշած հետեւեալ կէտերը. 1) ձիւղ չէ որ կրօնական ազատութեան հարցը Գանատայի արտաքին քաղաքականութեան մաս կազմէ, նման մօտեցում սխալ մեկնաբանութեանց դուռ կրնայ բանալ: 2) Կրօնական ազատութեան հարցը պէտք է հետապնդել մարդկային իրաւանց ու ժողովրդավարական սկզբունքներու լոյսին տակ՝

նկատի ունենալով տարբեր կրօնա-քաղաքական միջավայրերու մօտեցումները: 3) Ի մտի ունենալով հարցին զգալուն հանգամանքը, միաժամանակ անոր միջազգային տարողութիւնը, վեհափառն առաջարկած է, որ միջազգային համադրումը մը կազմակերպուի մասնակցութեամբ պետութիւններու, կրօններու եւ քաղաքացիական հասարակութեան ներկայացուցիչներուն:

Վեհափառն առաջարկած է նաեւ, որ Գանատայի խորհրդարանը կրօններու ազատութեան նախարարութեան կողմէ առաջարկուած յատուկ բանաձեւ

մը որդեգրէ, որով յանձնարարէ թուրքիոյ վերջ տալու կրօնական ազատութեանց ամէն ձեւի խախտումները եւ վերադարձնել թուրքիոյ մէջ բռնագրաւուած բոլոր պաշտամունքի վայրերը, վանքերը, համայնքային դպրոցներն ու հիւանդանոցները, սրբավայրերը եւ եկեղեցապատկան ու ազգապատկան կալուածները իրենց օրինական իրաւատէրերուն: Վերջապէս ան յայտնած է, որ Մեծի Տանն Կիլիկիոյ կաթողիկոսութիւնը նախաքայլն առած է եւ թուրքիոյ Սահմանադրական Դատարանին մօտ դատ բացած՝ պահանջելով Սիսի պատմական կաթողիկոսարանի վերադարձը, որ բազմաթիւ այլ եկեղեցապատկան եւ ազգապատկան կալուածներու նման բռնագրաւուած էր օսմանեան կառավարութեան կողմէ:

Տեսակցութեան ներկայ գտնուած են Գանատայի Հայոց թեմի առաջնորդ Մեդրիկ եպս. Բարիքեան, Ազգային Կեդրոնական վարչութեան անդամ ժիրալ Պասմաճեան, Ազգային Վարչութեան ատենապետ Գրիգոր Տէր Ղազարեան եւ Մեծի Տանն Կիլիկիոյ կաթողիկոսութեան միջ-եկեղեցական բաժանմունքի վարիչ Յուսիկ ծ. վրդ. Մարտիրոսեան: ■

## Կատարուած Է Յունահայ Թեմի Ազգային Երեսփոխանական Ժողովի Ընտրութիւնը

Կիրակի՝ 7 Յունիս 2015-ին, առաւօտեան ժամը 9-էն մինչեւ երեկոյեան ժամը 7-ը, Յունաստանի ամբողջ տարածքին՝ Աթէնքի, Քիֆիսիայի, ֓ալէօ Ճալիւրոյի, Նէտո Գոզմոսի, Գոքինիոյ, Գարէպի, Թեսալոնիկէի, Սերէսի, Գալալայի, Քսանթիի, Գոմֆոթիսիի, Ալեքսանտրուպոլսոյ և Տիտիմոթիիս-Օրէս-թիա տալիս ընտրական կեդրոններուն մէջ, կապացան Յունահայոց Թեմի Ազգային Երեսփոխանական ընտրութիւնները:

Ընդառաջելով Ազգային Վարչութեան եւ Թեմական Երեսփոխանական Կեդրոնական Ընտրական Յանձնաժողովի կողմէ յունահայութիւնը ստուար շարքերով ուղղուեցաւ դէպի ընտրական կեդրոնները, ուր ազգայիններու քուէներով ընտրեց յաջորդ եօթը տարինե-

րուն համար Յունահայոց Թեմի ազգային երեսփոխանները:

Իւրաքանչիւր ընտրական կեդրոնի մէջ քուէարկութեան ընթացքին հսկողութիւնը կատարեցին Կեդրոնական Ընտրական Յանձնաժողովի եւ Տեղական Ընտրական Ենթաշանձնախումբերու կազմերը, որոնց անդամները հետեւեցան, դիւրացուցին, լուսաբանեցին եւ ընտրութեան կարգին հսկեցին:

Ընտրողները, ամբողջ օրուան ընթացքին, առաջնորդուեցան ընտրական կեդրոնները, ուր նախատեսուած քուէարկումի կարգին համաձայն կատարեցին իրենց պարտականութիւնը:

Յունահայոց Ազգային Երեսփոխանական ընտրութիւններուն մասնակցեցան 1902 հոգի:

«Ազատ օր»

## ՅԱՅՏԱՐԱՐ ՈՒԹԻՒՆ

Կիրակի, 14 Յունիս 2015

Ս. Պատարագ՝ Ս. Գրիգոր Լուսաւորիչ եկեղեցւոյ մէջ:  
Յաւարտ Ս. Պատարագի, հոգեհանգստեան մասնաւոր պաշտօն պիտի կատարուի ՔՍԱՆ ՀՆՉԱԿԵԱՆՆԵՐՈՒ հոգւոցն ի հանգիստ, որոնք կախաղան հանուեցան և նահատակուեցան 1915-ին, Կ. Պոլսոյ մէջ:  
Սկիզբ Ս. Պատարագի առաւօտեան ժամը 10:00-ին  
Երթ ու դարձը դիւրացնելու համար հաստատուած է հանրաշարժի սպասարկութիւն:  
Սալահէտտին Հր. (ծաղկավաճառին առջևէն) ժամը 8:45-ին  
Այծեմնիկ Հանգստեան Տան շէնքին առջևէն ժամը 9:00-ին  
Ե.Գ.Մ. ՀՈԳԱՐԱՐՁՈՒԹԻՒՆ

### «ՅՈՒՍԱԲԵՐ» ԱԿՈՒՄԲ ՀԵԼԵՈԴՈԼԻՍ

Ամառային Եղանակի Բացում  
Կիրակի, 21 Յունիս 2015,  
երեկոյեան ժամը 8-էն սկսեալ  
ՌԱՄԱՏԱՆԵԱՆ ՄԹՆՈԼՈՐՏ  
Սերիալներու ցուցադրութիւն  
Արևելեան կերակրատեսակներու,  
աղցաններու և անուշեղէնի ազատ շքասեղան  
Արձանագրուելու համար դիմել՝  
Տիկին Նորա Մխտիկեանի հեռ. 01222515820

## Ոգեկոչական Հանդիսութիւն Հալէպի Մէջ «Ժողովուրդներու Պատմութիւնը Կը Գրուի Նահատակներու Արիւնով»



Հովանաւորութեամբ Հալէպի նահանգապետ դոկտ. Մարուան Ուլապիի եւ կազմակերպութեամբ Ազգ. սկզբունքներու ընդհանուր խորհուրդին, Հաշտեցման Ժողովրդային յանձնախումբին եւ Հալէպահայ կազմակերպութիւններու համախմբումին, Շաբաթ, 2 Մայիսին, Հալէպի պետական համալսարանի «Պատեյ Ասատ» սրահին մէջ Սուրիոյ նահատակաց օտօնին եւ Հայոց ցեղասպանութեան հարիւրամեակին զոյգ առիթներով տեղի ունեցաւ «Ժողովուրդներու պատմութիւնը կը գրուի նահատակներու արիւնով» խորագիրը կրող ոգեկոչական հանդիսութիւն մը:

Հանդիսութեան բացումը կատարուեցաւ սուրիական քայքերզով, ապա խօսք առաւ Ազգ. Քարէն Եփէի ձեմարանի տնօրէն Յակոբ Քիլեճեան: Ան հայ ժողովուրդին անունով երախտագիտութիւն յայտնեց Սուրիոյ արաբ ժողովուրդին, որ սրտաբաց ընդունեց եղբունէն ճողպարած հայերը:

Խօսք առաւ նաեւ Ազգ. սկզբունքներու ընդհանուր խորհուրդի ատենապետ Մահմուտ Խապի, որ անդրադարձաւ հայ եւ արաբ ժողովուրդներու բարեկամութեան եւ նահատակութեան խորհուրդին:

Այս առիթով արաբերէն ազգագրական չարք մը երգերով ելոյթ ունեցաւ Համազգայինի «Ջուարթնոց» երգչախումբը՝ խմբավարութեամբ Յարութ Ալապոզանեանի, դաշնամուրի ընկերակցութեամբ Ռուզան Պարտումեանի:

Ցուցադրուեցաւ Հայոց ցեղասպանութեան նուիրուած եւ Սուրիոյ տագնապին մէջ թրքական կառավարութեան զօրակցութիւնը վայելող զինեալ ահաբեկիչներու բարբարոսութիւնները ցոյց տուող տեսաներիզ մը: Ապա իւրաքանչիւր կազմակերպող կողմ մեծարեց Սուրիոյ տագնապին զոհուած եօթը նահատակ՝ անոնց ընտանիքներուն փոխանցելով խորհրդանշական յուշանուէրներ:

Հալէպահայ մեծարուող նահատակներու չարքին էին՝ Վիգէն Հայրապետեան, Յակոբ Տէր Պօրոսեան, Վրէժ Քէշիշեան, Գրիգոր Աշնազեան, Անդրասիկ Քահճեան, Յովսէփ Պաքճեան եւ Սարգիս Սուլաքեան: ■

ՄԱՐՏԻԿ ԵՒ ՌՈՒԲԷՆ  
ԹԵՐԶԻՊԱՇԵԱՆ ԵՂԲԸ.



ԳՈՀԱՐԱՎԱՃԱՈ

ՈՍԿԻԻ ԳԻՆԸ  
ԵԳ. ԹՂԹ.

ՈՍԿԵԴՐԱՄ	2027.20
21 ԿԻՐԱՏ	253.40
18 ԿԻՐԱՏ	217.20

Հեռ. 23901151